

8 pusat kosmetik haram diserbu

Imigresen bongkar kegiatan guna pekerja warga asing tawar harga murah

Oleh Faris Fuad
faris.fuad@bh.com.my

Dengkil: Jabatan Imigresen membongkar kegiatan pusat kecantikan dan pergigian haram yang menggunakan warga asing sebagai pekerja dengan menawarkan harga murah berbanding perkhidmatan profesional.

Ketua Pengarah Imigresen, Datuk Seri Khairul Dzaimie Daud, berkata pusat berkenaan mengenakan caj murah antara RM350 hingga RM8,000 yang menjadi modus operandi utama bagi menarik perhatian pelanggan.

Katanya siasatan mendapati pelanggan yang berminat mendapatkan suntikan kecantikan di bahagian mata (eye filler) dikenakan bayaran RM350, suntikan membesarkan payudara (RM1,900), tegangan kulit punggung atau botox punggung (RM3,500) dan pembedahan plastik mencecah hingga RM8,000.

Katanya modus operandi itu dikesan hasil serbuan serentak di lapan premis kecantikan se-



Khairul Dzaimie pada operasi penguatkuasaan Imigresen di Southville City, Dengkil, semalam.

(Foto Aizuddin Saad/BH)

kitar Lembah Klang seperti Dengkil, Kepong, Puchong dan Kuchai, selain Pulau Pinang serta Negeri Sembilan, semalam.

Beliau berkata, serbuan dengan kerjasama Kementerian Kesihatan (KKM) dan Lembaga Hasil Dalam Negeri (LHDN) membawa kepada penahanan 16 warga Vietnam termasuk seorang lelaki dan lima wanita warga Indonesia berusia antara 25 hingga

40 tahun.

Katanya, siasatan mendapati perkhidmatan rawatan kecantikan itu dijalankan warga asing tidak mempunyai kemahiran profesional dan tidak diiktiraf KKM, selain boleh mendatangkan risiko kematian, kerosakan organ serta tubuh badan.

"Berdasarkan pemerhatian, pelanggan terdiri daripada warga tempatan seperti suri rumah

dan pelbagai rawatan mencantikkan hidung dan membesarkan anggota badan, selain suntikan vitamin C, perkhidmatan kuruskan badan, rawatan pemutihan serta pemasangan pendakap gigi.

"Perkhidmatan itu diiklankan di Facebook, WeChat dan Instagram. Semakan lanjut mendapati pelanggan perlu request (membuat permohonan) untuk mendapat akses iklan itu terutama di Instagram," katanya pada sidang media di lokasi serbuan di Southville City, di sini, semalam.

Semua tahanan ditempatkan di depot imigresen mengikut Seksyen 6(1)(c), Seksyen 15(1)(c) Akta Imigresen 1959/63 (Akta 155) dan Peraturan 39(b) Peraturan-Peraturan Imigresen 1963 kerana kesalahan tinggal lebih masa serta salah guna pas lawatan sosial.

Ditanya kegiatan itu didalangi sindiket, Khairul Dzaimie berkata perkara itu masih dalam siasatan.

"KKM juga akan siasat jika tahanan ada membuat kesalahan lain. Kita terus bekerjasama dengan pelbagai agensi penguatkuasaan untuk menumpaskan sindiket atau individu yang menjalankan kegiatan itu.

"Ia untuk memberikan kesedaran kepada rakyat mengenai bahayanya rawatan kecantikan tidak bertauliah. Tindakan tegas akan dikenakan ke atas mereka yang didapati melanggar kesalahan berkaitan," katanya.

dan eksekutif, manakala tujuh premis diserbu disewa dan satu lagi milik warga asing.

"Perkhidmatan pusat rawatan kecantikan itu mendapat sambutan menggalakkan kerana mengenakan bayaran rendah, berbanding pusat rawatan berlesen dikendalikan golongan profesional bertauliah.

"Hasil risikan empat bulan, kita mendapati pusat itu menawarkan